

Nyob Zoo Cov Niam Txiv Thiab Neeg Saib Xyuas Ntawm Cov Me Nyuam Kawm Uas Txais Kev Pab Tim Ntsej Tim Muag,

Qhov kev sib txuas lus no yog rau cov niam txiv thiab cov neeg saib xyuas ntawm cov me nyuam uas txais kev kawm tshwj xeeb thiab kev pab tim ntsej tim muag. Vim kev sib kis kab mob coronavirus siab hauv Madison thiab Dane County, cheeb tsam tsev kawm ntawv yuav kaw tag nrog MSCR Cares cov chaw saib xyuas me nyuam rau ob lub lim tiam tom qab so Thanksgiving tag raws li kev ceev faj thiab mam rov qib rau lub Kaum Ob Hlis hnuv tim 14. Qhov kev kaw no yuav **tsis** cuam tshuam rau cov me nyuam kawm ntawv muaj kev nyuab kawm tsis tau uas txais cov kev kawm tshwj xeeb tim ntsej tim muag vim muaj me nyuam kawm ntawv tsawg, peb faib tau lawv ua pab pawg tsawg tsawg/los yog cais thiab siv cov khoom tiv thaiv tus kheej (PPE). Peb qhov tseem ceeb thib ib yog tswj kev noj qab haus huv thiab kev ruaj ntseg ntawm peb cov me nyuam kawm ntawv, neeg ua huaj lwm thiab lub zej zog. Txawm hais tias kuv hwm nej txoj kev txiav txim siab txog kev mus ncig thiab/los yog sib sau ua ke nrog cov neeg nej hlub tshua, kuv thov kom nej ua twb zoo xav txog cov kev taw qhia ntawm Feem Kev Noj Qab Haus Huv tsis ntev los no txog kev ruaj ntseg rau kev rov tuaj kawm ntawv.

Feem Kev Noj Qab Haus Huv Txoj Kev Pom Zoo Txog Kev Sib Sau Ua Ke Rau Sij Hawm So:

Yog nej mus koom tej yam kev sib sau ua ke rau lub Thanksgiving no, nej yuav tsum nyob tsev 14 hnuv tom qab lub koob tsheej thiab ntsuam xyuas nej tus kheej rau cov tsos mob ntawm COVID-19. Yog nej cais tsis tau nej tus kheej tawm ntawm tib neeg ua ntej los yog tom qab ib lub koob tsheej, [ces tsis txhob mus khoom](#). Raws li kev sib kis niaj hnuv niam no, peb xav thov kom txawm li cas los sawv daws tsis txhob sib sau ua ke rau Thanksgiving xyoo no tab sis ua kev zoo siab nyob online. Txawm li cas los yog nej yeej yuav mus khoom ces peb thov kom nej ua raws li cov kev ceev faj ntau li ntau tau los cheem kev sib kis ntawm COVID-19. Peb tus kheej cov kev ua yuav pab tiv thaiv tau peb txoj kev khiav hauj lwm kev noj qab haus huv rau kev ua kev zoo siab lub caij no. Mus rau ntawm [Public Health Madison & Dane County's website](#) rau lus qhia thiab ntsiab lus ntxiv txog COVID-19.

Peb lub hom phiaj yog xyuas meej kom txhua tus me nyuam kawm ntawv nrog kev nyuab kawm tsis tau nkag tau dawb rau cov kev kawm luam tsim nyog thiab peb yuav cheem kev sib kis ntawm tus kab mob kom tsawg thiab kev kawm rau lub sij hawm cais tawm raws li Feem Kev Noj Qab Haus Huv cov kev pom zoo. Yog nej txiav txim siab cais nej tus kheej tawm nrog rau nej cov me nyuam, thov qhia rau tsev kawm ntawv cov neeg ua hauj lwm lawv thiaj npaj tau cov kev qhia /thiab los yog ntaub ntawv tsim nyog.

Pev xav xyuas meej kom tag nrho cov me nyuam kawm ntawv tau zaub mov noj raws li lawv tau txais nyob rau kev saib xyuas. Nej nrhiav lub lim tiam no [lub sij hawm nga zaub mov noj tau ntawm no](#). Lwm lub lim tiam, [lub sij hawm nga zaub mov noj](#) yuav rov yog sij hawm qub.

Txij thaum kev sib kis kab mob thooob ntiaj teb no pib, kev noj qab haus huv thiab kev ruaj ntseg ntawm peb cov me nyuam kawm ntawv, cov neeg ua hauj lwm thiab cov yim neeg tau yog lub hauv paus ntawm peb txoj kev txiav txim siab. Tom ntej no, peb yuav ua tes dej num mus ntxiv nrog pawg neeg saib xyuas kev noj qab haus huv hauv zos no los ntsuam xyuas cov kev zoo li cas thiaj li txiav txim siab tau txog kev kaw yav tom ntej. Peb yuav rau siab ntsos ua dej num mus ntxiv los qhia nej txog ntawm cov kev txiav txim siab ntawd kom paub ua ntej li ua tau.

Thov kom nej muaj kev ruaj ntseg thiab tau so rau caij ua kev zoo siab no thiab nyob rau tib lub sij hawm no kuv thov kom nej ua raws li [kev taw qhia los ntawm Feem Kev Noj Qab Haus Huv Hauv Madison Thiab Dane County](#) rau kev ua kev zoo siab ris txiaj ntsim rau lub caij no.

Lus Meej Tsheeb ,

John Harper, Ph.D, Thawj Tswj, Feem Khiav Hauj Lwm Pab Me Nyuam Kawm Ntawv